

dine, latitudine xvi. in cuius pelle integra classis delineata conspecta est.

Locus Thunnorum varius pro aetate esse videtur. ^lOppianus, qui eos piscibus pelagiis annumerat, ex Oceano in mare Mediterraneum, cum vere ad sobolis propagationem instigatur, venire, ideoque tum plurimos in Tyrrheno et Iberico capi, author est; mense Majo Xiphiis cogentibus irrumpere, Jovius adjicit. Pelamydes aequora fluvio aut paludi vicina incolere, ideo in Pontum ad dulciora pabula gregatim intrare, ex Plinio ^m habemus, ibidem, ut et in Moeoticis paludibus nasci, ^{*}Strabo retulit; tepore gaudere, ideo per summa maris natare, aliquando flumina subire, ex ⁿ Aristotele discimus; Visos qui Agathopoli ad pontem usque, qui aliquot millibus passuum a mari distabat, conscenderent, ^oRondeletius prodidit; sed et in Rheno, Nilo, Pado, Platina scripsit; in algosis quibusdam locis. Gaditanis extra Herculis columnas sub solano vento eo delatis, ingenti numero, magnitudine et crassitie incredibili, occurrisse, Admiranda Aristot.

^p venditant. Vix credendum Thynnorum multitudinem in Indico mari tantum, ut Magni Alexandri classis haud alio modo, quam hostium acie obvia contrarium agmen adversa fronte direxerit, quod apud ^{*}Plinium legimus. Graeci scriptores enim Cete et Physiteres fuisse innuunt. De eorum circa Byzantium et captura et mora ita ^qStrabo, etc.

Cibus eis aliquando ^ralga; saepe, circa Hispaniam inprimis, (ex anteriore ^{*}ad columnas delati pelago, esca deficiente macerantur) glandes; ex quercubus ad mare nascentibus delapsae, quibus vehementer pinguescunt; et ex harum ubertate, ubertas Thynnorum colligitur: ut plurimum caro. Tempore foeturae ^tquicquid attigerint, liguriunt; quin et partu soluto, ne propriis quidem parcunt natis, sed laeti tempore veris ^uOva vorant subito, et lacerant sub dentibus atris; aliquando prae pinguedine rumpi ^xAristoteles author est.

Vitam ad biennium duntaxat producere, quod ^yPlinio ex Aristotele placuit, vix verisimile videtur. Ad

tantam enim excrefcunt magnitudinem, ut xv. talenta pendeant, caudae duo cubita, seu ut apud ^zAristotelem extat, quinque palmum latitudine expleat, et visi capi, quos corporis magnitudine, squammarum crassitie et corporum duritie biennio multo provectiores fuisse fateri oportuerit.

De *Generatione* habemus, Thunnos coire mense Febuario, post idus Junii initio parere ^asemel, et quidem ^bin Ponto Thunnos, bis credi, quia partim tempestivus partim cordus ejus foetus est; prior soboles mense Decembri ante brumam exit, posterior vere. *Ova* edunt quasi in utriculo. Ex his fiunt, quas Scordulas vocant, Byzantii Auxiadas, quod paucis diebus augefcant.

Exeunt autumnno cum Thunnis simul, verno autem tempore repetunt, jam factae Pelamydes. Quantum ad *animales functiones*, concessit et istis singularia quaedam Natura. Dromades esse, seu ut Gaza reddit cursores, ex superioribus cognosci potuit. Non vagantur tamen ^abruma; ubicunque deprehensi usque ad aequinoctium, ibi hybernant. Ex Ponto exituri laevam tenent, et Aquilonem operiuntur, ut secundo fluxu exeant; ingressuri eundem, ad dextram flectuntur, quia dextro oculo plus cernunt, utraque natura hebet.

Eadem ^bdebilitas in causa, quod ad saxum illud miri candoris, a vado ad summa perlucens, quod in Euripo Thracii Bosphori, quo Propontis Euxino jungitur, in ipsis Europam Asiamque separantis freti angustis, juxta Chalcedonem in Asiae littore visitur, exhorrescant, et sic repente territi, adversum Byzantii promontorium, ex ea causa appellatum Auri cornu, praecipiti petunt agmine. Noctu proficisci et vetustissimum Araphyliti vatis apud ^cHerodotum oraculum, et numerus ^aBellonio visus, in quo altera parte spica, altera Thunnus conspiciebatur, et supra hunc Luna cum inscriptione PHILIPPENZE, innuit; nec de nihilo est, quod Plinius, postquam ^edixisset, capturam illorum a vergiliarum exortu ad arcturi occasum durare, reliquo tempore hyberno

^z Aristot.
H. A. l. 8.
c. ult.

^a Aristot.
H. A. l. 5.
c. 11.
edit. Scalig.
^b Plin. H. N.
l. 9. c. 115.
Oppian.
Halieut.
l. 4. v. 505.
Vide Oppian. et Scalig.
p. 234.

^a Plin. H. N.
l. 9. c. 11.

^b Plin. H. N.
l. c.

^c Herodot.
l. 2. Histor.
d. Adrovand.
l. 3. de piscib.
c. 18.

^e Plin. H. N.
l. c.